

金石萃編

金石萃編卷三十二

賜進士出身 誥授光祿大夫刑部右侍郎加七級王昶撰

東魏

太公呂望表

碑高五尺九寸廣三尺二寸二十三行行四十二字正書今在汲縣西北三十里太公廟

晉武帝太康十年三月丙寅朔十九日甲申盧元愍依舊脩造

齊太公呂望者此縣人也遭秦燔書史失其籍至大晉受命吳會既平四海一統太康二年縣之西偏有盜發塚而得竹筴之書書藏之年當秦垺徯之前八十六歲

其周志曰文王夢天帝服魚饗以立於令狐之津帝曰  
昌賜汝望文王再拜稽首太公於後亦再拜稽首文王  
夢之之夜太公夢之亦然其後文王見太公而剖之曰  
名爲望乎答曰唯爲望吾如有所於見汝太公言其年  
月與其日且盡道其言臣此以得見也文王曰有之口  
與之味以爲卿士其記年曰康王六年齊太公望率參  
考年數蓋壽百一十餘歲先秦滅學而藏於丘墓天下  
平秦而發其潛盡盡之所出正在斯邑豈皇天所以章  
明先哲著其名号光于百代垂示無窮者乎於是太公  
之裔孫范陽盧光思自太子洗馬來爲汲令嶧之下

舊有壇場而今墮廢荒而不治乃諮之口徭訪諸朝口  
僉以爲太公功施於民以勞定國國之典祀所宜不替  
且其山也能興雲雨財用所出遂脩復舊祀言名計口  
鐫石勒表以彰顯烈碑萬載之後有所稱述

太公姓呂名望号曰尙父尙氏之興元出姜氏公望以  
輔翼流詠子平以礪素致謠卯金握靈冠蓋鱗次典午  
統宇軒冕波屬或秉文入朝或用武出討徯默交映勲  
庸相趨大魏東苞碣石西跨流沙南極班超之柱北窮  
寶憲之誌高祖孝文 皇帝龍飛代都鳳翔嵩邑澄清  
人士品藻第望尙氏合宗還見禮擢九等舊制不失彝

序方知賢聖之門道風必復功德之後學識還昌太公  
盤孫尚口口尚天寶尚世口尚子牧尚子休尚方顯尚  
景口尚遵明尚裴香尚顯敬尚迴歸尚口樂尚漢廣尚  
崇等器業僊洽文義淹潤慨盧忌置碑僻據山阜崔琰  
列石不枕康衢遂率親黨更營碑祠以博望之亭形勝  
之所西臨滄谷東帶狀川周秦故道燕趙舊路構宮鐫  
石口當平顯庶使文範之猥不獨百城有道之美詎假  
干石凡斯盛事理切含藁余以虛薄口參郡任民情相  
口口託爲文率爾彈翰棄辭收理其詞粵

迢迢岳嶽蔚蔚姜枝積德不已繼踵方義發將允執紂

遂昌披託□□□卽狼非羆功著牧野□自幽岐旣伸  
惟惺仍秉鉞麾佐命周室開邑齊土北控趙燕南臨□  
□□匡九合懸車束馬位極三事勲高萬古葬切晉溫  
魂悲漢祖忻哉尙聖遺魂可怙言歸故鄉降神巫咒□  
□□□□室望岫庭栽異木井依餘甃肴醢競奉歌鍾  
迭奏風雨節宣華髮用富恩被系子慶傳曾胥

通直散騎常侍聘梁使平東將軍中書侍郎恒州大中  
正脩左史汲郡太守穆子容山行之文

大魏武定八年四月庚辰朔十二日辛卯建造

碑陰

凡五列行字多  
寡不等俱正書

郡中正尙靜年 汲郡中正督汲縣事行南口武縣尙  
口口 司州口口從事尙口口 尙世和 尙口口  
尙口明 尙功口 尙萇興 尙令韞 尙口口 尙  
永歡 尙嗣業 尙顯口 尙元遵 長樂太守石陽  
子尙欽 故板授鉅口太守尙口口

以上第一列

板授口口太守尙馮 故板授河北太守尙鄒 故板  
授長樂太守尙珠 故前兼郡功曹尙次年 故人尙  
次愷 板授滎陽太守尙求祖 板授頓丘太守尙沉

流 板授北平縣令尙雲龍 平朔將軍□□縣令□  
□鎮將尙金龍 板授建興太守尙哉 板授樂安太  
守尙光 板授恒農太守尙龍□ 板授汲郡太守尙  
陽生 板授潁州太守尙羽真 板授武德太守尙□  
開將軍都督 闕

以上第二列

板授□□郡□郡太守尙秀 故板授武德汲郡太守  
尙靜光 故板授東魏太守尙神龜 故板授城高太  
守尙道 故板授蔡陽太守尙蘭椿 故行參軍尙道  
光 尙迴 板授滎陽太守尙法□ 輔□府長流參



軍督新縣事尙□□ 板授河內太守尙□□ 板授  
河間太守尙□ 前除□昌太守尙□ 板授長縣令  
尙買成 尙寶洪 補郡功曹尙□ 板授武德河內  
二郡太守太守尙襲成 板授汲縣尙海□ 板授武  
德太守尙始興 尙定成 尙高□ 寧朔將軍員外  
奉車都尉尙顯文 襄威將軍朔陽戍主尙龍威 尙  
延和 揚武將軍尙世□

以上第三列

板授汲縣令尙金虎 板授汲縣令尙元祥 尙定業  
尙襲□ 尙季□ 尙僧□ 尙元始 板授高邑

縣令尙合洛 尙□□ □□將軍督新安罷尙□□

尙敬□ 尙祖延 尙顯貴 尙□□ 尙□□

尙平□ 尙安□ 尙靜滿 尙文禧 尙益生

以上第四列

□□將軍奉朝請尙□ 尙□讓 尙□□ 尙璉

尙世□ 尙伯保 尙市奴

以上第五列

太公呂望碑穆子容撰北史言子容少好學無所不覽求天下書逢卽寫錄所得萬餘卷魏末爲兼通直散騎常侍聘梁齊父禪卒於司農卿其辭曰作其辭

粵古曰字與口同一書法故變其文爲與欲讀者之

易曉也

金石文  
字記

水經注云汲縣故汲郡治城北三十里有太公泉泉  
上又有太公廟廟側高林秀木翹楚競茂相傳云太  
公之故居也晉太康中范陽盧無忌爲汲令立碑於  
其上今碑前有晉太康十年三月丙寅朔十九日甲  
申盧無忌依舊修造錄無忌文九行蓋晉碑已泐子  
容書之于石也後十一行爲穆子容文北史穆崇傳  
云魏末爲兼通直散騎常侍聘梁今碑云通直散騎  
常侍聘梁使與碑合又云平東將軍中書侍郎恒州

大中正修左史汲郡太守史所未及碑額有象有碑  
陰書太公裔孫尙姓諸人 盧文云云與史記不同  
又云嶓嶻之下舊有壇場按水經渭水又東過陳倉  
縣西注磻谿谷谿中有泉謂之茲泉卽呂氏春秋所  
謂太公釣茲泉也今人謂之凡谷東南隅有石室蓋  
太公之所居也水次平石釣處卽太公垂釣之所也  
其水清冷神異北流十二里注於渭括地志茲泉水  
源出岐州岐山縣西南凡谷則此水在今陝西寶雞  
縣東南其在汲縣者水經注又爲之說曰人亦謂之  
磻谿太公避紂之亂屠隱市朝遊釣魚水何必渭濱

然後磻谿苟愜神心曲清則可磻谿之名斯無嫌矣  
予按二說俱古當以寶雞之磻谿爲長以其爲茲泉  
出于呂氏春秋也此碑書法方正筆力透露爲顏真  
卿藍本魏齊刻石之字無能比其工者

中州金石記

先晉太康十年三月尙父裔孫范陽盧无忌來爲汲  
令以縣蟠峽之下舊有太公原場荒而不治乃依舊  
修造鐫石立表在今縣治西南隅後北魏孝靜帝武  
定八年太公裔孫尙氏諸人以盧忌置碑僻據山阜  
遂率親黨更營碑祠於博望亭平顯之所在今縣西  
北三十里請太守穆子容爲文記之子容并爲書无

忌之表於前而以己作繫於後朱竹垞引李白詩朝  
歌屠叟解棘津八十西來釣渭濱而韓詩外傳稱文  
王舉太公時公年七十二兩者不合无忌表曰康王  
六年齊太公望卒按尚書顧命有齊侯呂伋文則伋  
已嗣公爲侯非卒於康王時也余案无忌明據竹書  
紀年之文非得之流傳也周公封魯太公封齊皆其  
子之國而身留京師故有三年報政之語周公在而  
有魯公伯禽寧太公在而不可有齊侯伋乎竹垞譏  
之非是特太公遇文王之年諸家所紀七十爲多但  
不知定當文王何年計武王卽位元年至康王六年

已六十二年公遇文王縱晚亦須在前數年卽以外傳所說計之公之壽已百三十有餘矣而无忌表云蓋壽百一十餘歲然則公之遇文王疑不過在五十時公之女爲武王后以此參證不應乃在耄齒孟子言太公聞文王善養老來歸若五十內外不宜卽言老然人情每預爲晚歲之計者亦多矣豈非當年卽已壽養乎况太公非沾沾僅爲一身計者其慕文王仁政之美亦必不專在一節故愚以爲孟子所言正不可膠執以爲七十之確証

抱經堂文集

碑下截剝蝕上半文獨可識有云太康二年縣之西

備有盜發冢而得竹簡之書金石錄云荀勗校穆天子傳其叙云太康二年與碑合可以正晉史之誤廣川書跋案晉紀言咸寧五年盜發汲冢與此碑異知史誤也余攷之非是閻伯詩云同一束哲傳王隱傳者曰太康元年房喬修者曰太康二年案隱謂據左傳後序喬當據此碑已互異如此當以日磬之言爲據晉武帝紀本起居注杜預爲左傳後序皆其所曰磬者也冢蓋發于咸寧五年冬十月官輒聞知明年太康改元三月吳平預始得知又二年始見其書故序曰初藏在秘府余晚獲見之此與情事頗得由是觀之紀文殆



非誤而董氏及趙明誠或失詳也北史言子容魏末  
爲兼通直散騎常侍聘梁齊受禪卒于司農卿今此  
碑後子容自題銜云通直散騎常侍聘梁使平東將  
軍中書侍郎恒州大中正修左史汲郡太守此已較  
史爲詳而聘梁使乃其兼官爲當時體制如是史獨  
書聘梁句當未完宜以此碑補之也 碑陰文多殘  
損凡作五層題名皆尙氏碑陽稱尙氏之興源出姜  
氏此固太公之裔附書于此也按諸尙列郡守縣令  
而題曰拔授蓋山推恩加以虛號所謂賜百年以上  
假郡守假縣令也魏書肅宗紀熙平二年四月丁酉

詔京尹所統百年以上賜大郡板九十以上賜小郡板神龜元年春正月壬申詔京畿百年以上給大郡板九十以上給小郡板八十以上給大縣板七十以上給小縣板諸州百姓百歲以上給小郡板九十以上給上縣板八十以上給中縣板孝莊紀建義二年五月詔上黨百年以下九十以上板三品郡八十以上四品郡七十以上五品郡孝靜紀天平三年十有二月辛未遣使者板假老人官百歲以下各有差崔孝芬傳司徒彭城王勰板爲行參軍吳悉達傳刺史以悉達兄弟行著鄉閭板贈悉達父渤海太守此碑

稱板授卽紀傳所言賜板給板假板贈之謂而碑以板爲板蓋當時別體如是其城高蔡陽二郡名不載地形志疑城高爲城皋而蔡陽或淪陷於異地志故無文也員外奉車都尉案官氏志有奉車都尉而無員外正始四年九月詔奉車都尉禁侍美官顯加通貴世移時變遂爲冗職旣典名猶昔宜有定員是自正始前奉車都尉添置猥濫蓋有員外矣當時詔文雖定爲二十人及武定之季漸益增設故見於是碑者復有此名是亦志所未推稽也

授掌金石跋

按此碑前刻太康十年范陽盧无忌文後刻汲郡

太守穆子容叙銘无忌晉書無傳文中自稱太公之裔孫廣韻云姜氏封于盧以國爲氏故盧姓同源於太公也文叙太公遇文王事託之文王與太公同夢天帝由此得遇與史記所載西伯出獵卜得霸王之輔于是遇于渭陽載與俱歸彼此迺異文又云嶠嶠之下舊有壇場而今墮廢荒而不治礪谿有二處一在渭水之右其一在汲縣卽此立碑之所也水經注清水又東過汲縣北西北有石夾水飛湍人亦謂之礪谿言太公嘗釣於此也城東門北側有太公廟廟前有碑碑云太公望者河

內汲人也縣民故會稽太守杜宣白令崔瑗曰太公本生於汲舊居猶存君與高國同宗太公載在經傳今臨此國宜正其位以明尊祖之義於是國老王善廷掾鄭篤功曹邵勤等咸曰宜之遂立壇祀爲之位主城北三十里有太公泉泉上有太公廟廟側高林秀木翹楚競茂相傳云太公之故居也晉太康中范陽盧无忌爲汲令立碑於其上據此則汲縣舊有二太公廟碑亦有二此碑所在則城北三十里然亦非崔瑗之舊穆文云盧无忌置碑僻處山阜崔瑗刊石不枕康衢遂率親黨更營碑

祠以博望之亭形勝之所西臨滄谷東帶狀川周  
秦故道燕趙舊路構官鐫石口當平顯是別立祠  
碑之證也盧文刻于此碑而崔石不復可攷矣廣  
韻云齊丁公之子食采于崔因以爲氏丁公者卽  
太公之子汲其後因以命氏是崔與丁亦同源太  
公故杜宣有正位尊祖之語也子容之文爲尙氏  
記石文云尙氏之興元出姜氏公望以輔翼流詠  
子平以礪素致謠尙氏因呂尙得姓通志氏族畧  
所謂以字爲氏也然史記齊世家太公望呂尙譙  
周曰姓姜名牙素隱曰牙是字尙是名則是以名

爲氏矣子平據後漢書逸民傳作姓向注云高士  
傳向字作尙此碑爲尙氏追溯其先而及子平則  
是從高士傳矣後漢書本傳稱子平性尙中和好  
通老易貧無資食好事者更饋焉卽碑所謂確素  
致謠也碑又云卯金握歷冠蓋麟次典午統宇軒  
冕波屬或乘文入朝或用武出討儒墨交映勳庸  
相趨稽之正史唐以前無一向姓入傳者卽此碑  
碑陰所列尙氏子姓八十餘人亦無一人載入魏  
書北史者故事蹟無可攷也穆子容文有云盧忌  
置碑文之省也碑書忌作忠坑作塤裝作穰磻谿

作嶠嶠施作施貌作狼毫作蒙帷幄作惟幄暢作  
暢胃作胃皆別體儒默卽儒墨木通用僊卽優之  
異文銘詞有言疎故鄉降神巫咒不知何謂穆子  
容代人也魏書北史皆附穆崇傳崇子乙乙子真  
真子泰泰子士儒士儒子卽子容也其官汲郡太  
守在武定中惟魏書有之其字山行則惟見此碑  
不曰撰而曰山行之文又一例也碑立於武定八  
年四月不踰月而魏爲高齊所篡矣碑陰皆尙氏  
族屬其無官位而單書姓名者二十八人有稱故  
人尙次伯者所未詳也



强弩將軍造像記

記高不知幾許廣一尺五寸五行行四字五字六字不等行書

强弩將軍掖庭令趙振仰爲七世父母上持敬造弥勒像一堪

按碑題强弩將軍掖庭令趙振魏書官氏志不載掖庭令之官而强弩將軍則列於從四品下末云敬造弥勒一堪徐鉉注說文謂地穴中出也蓋與龕音義同

西魏

僧演造像記

碑約高五尺餘三面刻正面廣二尺四寸五分有佛龕三龕旁欄上共有題字四行行十三字或十二字七字不等兩側各一龕龕欄題字或二行或三行行或五六七字不等其序文等字俱在一側作七截書每截或九行八行六行四行行或十二字四字六字五字不等並正書

夫大覺神遷非經徬無从表其真益世間時漏形質如取利然僧演減割衣鉢之資造石徬壹區金徬三區浮滿三級大般涅槃經兩部雜經三百口供養僧世上爲國主百僚師徒所生法界之類咸同正覺

大統四年歲次大午七月十五日比丘僧演敬造供養

比丘道暈 比丘僧演 比丘法迴 比丘僧端

比丘僧曠 比丘惠遵 比丘道洸 比丘法崇

比丘僧暢 比丘僧普 比丘僧敬 比丘法豪

比丘僧云 比丘僧濟 比丘僧玉 比丘僧均

比丘僧通 比丘惠云 比丘僧賴 比丘道賢

比丘僧和 比丘法和

董大女供養佛 董當供養佛時

董僧供養佛時 董歡供養佛時

董口樂供養佛 姚舍攸供養佛

徐難將軍郭穆供養佛

伏波將軍任歡供養佛

清信士萬口 清信女趙口 清信女李口 清信

女李口

郭世貴一心供養

清信賂花嬰一心供養佛時

以上俱在一側

比丘僧演供養

觀世音菩薩

此又在側

法神像一心供養

比丘法神爲四恩三有敬造供養

亡父龙谷

亡母荒妙容

亡弟鍾旭

比丘法隆

比丘道要

比丘道相

以上四行在正面

曹續生造像記

碑高三尺五寸廣一尺六寸分三截上中俱四行下八行字數四至二十二不等隸書在富平

沙弥焦法清 沙弥焦法顯 邑口王法壽 沙弥焦

法興 比丘李口晃 沙弥焦雙洛 比丘焦法玉

沙弥上官法櫛 口子湫口貴 唯般韓宅

大魏大統五年歲次己未二月乙酉朔廿五日己酉威烈將軍富平令頻陽縣開國男曹續生息延慶直口都口夫至道空靈非言无以申其宗真容絕相非刑像何以表其算是以現治富平令曹并邑子卅四人等各減割家珍造像四偈上爲帝主永隆口王口長壽下及邑子口口

碑高三尺一寸廣三尺五分分四截首截兩行次截  
五行三截三行四截兩行末另兩行字數不等正書  
和上法隆

口丘法壽口

邑子焦延昌

祖父故曹烏勾雷平真將軍弟一領口酋長

父拔拔西夏朔方郡功曹

口口焦延保

口曹吐口口口

祖母呼延卒口

母呼延庸 珣口

妻張安姬車

息女口妃

威列將軍口口令

口陽縣開國男口續口東馬

按碑刻邑子焦延昌下刻祖父焦延保下刻祖母  
母妻女則是焦氏兄弟爲其一門眷屬造像祈福  
而前有和上法隆比丘法壽當是立石以紀其功  
德也曹續生造象銘邑子卅四人中有焦姓沙弥  
比丘五六則此當與彼碑同時同地所立碑刻父  
拔拔西夏朔方郡功曹弔比干墓碑陰有拔拔臻

知拔拔是魏時名稱也後書威列將軍威列卽威  
烈魏書官氏志威烈將軍階列第六品中末云口  
陽縣開國男口續口乘馬下疑續字或卽曹續生  
前造象碑曹續生爵頻陽縣開國男也

李早生等造像殘題名

石殘闕高三尺六寸四分廣八寸作四截書上二截  
皆六行下二截一三行一二行字數五字至十六字  
不等  
正音

邑子李口 邑關

邑子李佗仁 邑子李令恒 邑子李他奴

邑子李法護 邑子李莫問息德茂



邑子李愛 邑子李七活 邑子李安記

邑子李口息不知孫歸興曾孫胡蜀

邑子李欽 邑子李口口 邑子李買興

問

邑子公孫愛姬 邑子衛件女 邑子李妙貴

邑子口作女 邑子橋口姜 邑子趙迴男

邑子橋魯女 邑子張戒圭 邑子介叔姁

邑子口王女 邑子薛月光 邑子韓口

邑子李黑子 邑子晉女賜 邑子李女妃

邑子李歡姬 邑子張鵬姜婦陳仲妃 邑子郭明王

暢 邑子張和宗 邑子劉義遠 邑子劉曠周  
邑子程曠國 邑子徐搗 邑子劉候樹 邑子劉  
口達 邑子王惠尊 邑子孟曇口 邑子吳輔相  
邑子劉海懷 邑子張也 邑子張口陲 邑子  
翟永達 邑子陳曠歸 邑子吳祖榮 邑子劉延  
邑子吳僧衍 邑子田延海 邑子口伏榮 邑  
子口安口

以上碑陰

假主楊道熾 邑子馬道口 邑子陳四 邑子孫  
白養 邑子邵景和 邑子翟輔之 邑子程口口

邑子李□□ 邑子孟□□ 邑子馮□□ 邑

子馮□□ 香火堤口興 □□吳輔相 □□□

進口

以上左側

岐法起造像記

此像一尺五寸五分廣一尺五分側呼五寸前後兩  
面皆像記共六行行八九字不等弟子像題名共九  
行行五十六字不等  
俱在兩側行書

大統十六年九月一日佛弟子岐法起造白石像一區  
為七世父母麻生父母家口大小無妨長年常與善俱  
一時成

佛弟子岐法起 佛弟子岐輝和 佛弟子伏和口

佛弟子王口口 佛弟子暎妃口 佛弟子暎和

口 佛弟子岐黑仁 佛弟子岐薩祿 佛弟子張

口生

魏氏造像碑

碑高五尺廣二尺六寸六分書每行六  
行七行八行不等行五字正書在富平

化主魏口口 口口魏順興 口口口口 侍口口

口口 口口魏豐口 化主口口口 邑子口口口

邑子口口口 邑子魏口口 邑子口口生 邑子口

道洛 邑子口漢口 邑子口口口 邑子口口周

邑子魏□□ 邑子魏益先 邑子□□□ □□□  
□□ 邑子魏道欬 邑子□□□ 邑子□□□  
邑子魏□宜 邑子□輔□ 邑子□毛周 □主魏  
良□ □主魏□□ 邑子魏□□ 邑子□□□  
邑子魏□□ 邑子魏□□ 邑子魏阿欬 邑子魏  
□洛 邑子魏定國 邑子魏清毛 邑子魏伏慈  
邑子魏道保 邑子魏道始 邑子魏□容 邑子魏  
男□ 邑子魏□□ 邑子魏平香 邑子魏□□ □  
主魏欬慈

焦延昌造象碑

□□子託葬存稱惠主死曰明神所以季  
世經關風俗漸染恩福之祈咸在灾沴□  
禱仍□北直郡國掾史實降□□蓋魏  
氏季季日銷地反投蜺不息鬪馬盈空□  
自金堂黷生玉室天示昭明之證帝啓即  
席之期我太祖獻武皇帝合荆斗墨  
放□□□翦兇族於黎□□□於華□  
□運□竭激崐崙之永翰■□□競□□  
□□增威一□□社再祠絕□匡□□□  
□□□萬□□□五□□會知三□之

未從想□橋之難□□□□□□猶存

式瞻神宇雅□□□蘭□成林椒□□□

□□□□得□志言世宗文襄皇帝

□□□□□□□□龍□湖□□□應物

納□黎於□□□□於□下壠路荒蕪祠

堂湖□□壁□□□□□□檣□□□□

芳□以丹□磨□膠初鯢螭旁□下神居獨

闕而宛轉□下躍水仙鳥鳴林□下歇尊神尚

德□終□□□有歸紛郁皇上官

府□物覈□□□□□有稟賦靈牲□

口為德道不可口口還口燼樂反下常涼

菽雲自卷仙琯協律口邕口神文爛北口

口口西鳳鱗口五口光氣四舉奠而下牛

於陰山風逸驥於桃塞捐金抵玉未粟口

口口口致酒英傑先之顧以賢宰餘休聯

下宸鑒斯揆使持節驃騎大將軍開府

儀同三司口州口口師清河王岳出應敵

國入當下之一帥執刺都輦標標九牧駟

禽弭口口雨來風披席口口傾賢禮俊眷

彼能官投口千祀下誓芻離殊類竊假畏



威仰德堅碑在□春煦□□□超二百執  
徐之□□□□櫛豈不蒼精云啓□□□  
□□□言僭迹掃地不遺委贄興王恭承  
□運幽明□遠意在斯乎乃命□紀□□  
鴻□□以昭警神道□□□□□□□而  
□絕望黃岑以俱峙其詞曰

星精崩散漢津橫渴山峙□□瀆涖踈墅  
中處外薄惑夷惑夏周德不昌三詩缺雅  
下侮弱憑強魏侯趣士民俊□望鄴有賢  
令夏景冬□□□率□□□□俗闕存祀

發心主李早生

發心主李德祭

邑子郭明王

都錄主李德遠

都錄主李顯集

智超等造像記

記橫廣一尺一寸五分高八寸四分十  
行行十二字十二字十四字不等正書

□□□□年八月丁卯□□□丙戌區信佛弟子家  
□□□□哲智超等□以祖父母□□□□洪顯造像  
一區□□□□□不得造像□□于舍□仰□□□

之願遂造□□一區□□□□□□先人□願願七世  
父母□□□□□□託生西方妙樂國主□□今□□  
□康吉□百意□□□□□□□□心值佛文法  
按此碑與上李早生俱無年月附于魏末

金石萃編卷三十三

賜進士出身

誥授光祿大夫刑部右侍郎加七級王昶撰

北齊

西門豹祠堂碑

碑高六尺八寸廣四尺九寸二十九行行四十四字  
隸書額題西門君之頌五字篆書在安陽縣城隍廟

自夫清酌儼以分宿沈濁判其□□□漬

為紀羅□□□□之下義栗襄葛之率炎

軒昊頊之□□□□瑞所聞蓋□□虞傳

□□□□周□□□□□合踰千國既□

□□□□壘水震九州齋割七雄基□□

□□□國之君□□古之業□□□田  
卜□□□□□璜河內侯治鄴□□□子  
昌言而為任西門厲精而出宰□拒比周  
治申嚴察重還□寤主□亡而警吏□班  
既別□彩自□不省書□積倉府戎車北  
首侵□南□佩□臨事簪筆聽神民吏不  
敢兩欺□巫老□姦於波浪頡頏鄭密異  
術均美□□□首列城歸目於是生致尸  
祝之禮歿貽棠杜之思雖□券金書逝者  
不佞□□壇表慕俎豆逾遠北□襄王□

部郡從事魏郡□景□

□昇

部郡從事魏郡□子□

德卿

部郡從事□□□宜□

□道

□從事魏□□□

□□

以上第一截

□□□□□

□ 融子明

公務思業

□仁 景寶

□□ 修業

□

□遠 洪道

守從事

公□

守從事魏郡

靈紹

守從事陽平王順

孝章

武猛從事林慮王禕

□□

武猛從事魏郡馬□

武猛從事魏郡緱文□

武猛從事淳于士彰

武猛從事魏郡張宣和文□

武猛從事魏郡張孝通順和

武猛從事魏郡柳士綽洪朗

武猛從事汲郡荀翽孤誕

武猛從事頓丘竇長卿

武猛從事頓丘吳斐融邁

武猛從事頓丘胡邁士尚

武猛從事林慮張則仲軌

武猛從事林慮魏光卿卿

武猛從事邕陽葉琛三寶

武猛從事邕陽梁口子署

武猛從事陽平楊達叔勸



武猛從事陽平繆洪 難陀

武猛從事東郡張興 顯盛

武猛從事東郡賈順 思口

武猛從事廣平鄭昇 懷口

武猛從事廣平程蘭 和仲

武猛從事北廣平呂和子穆

口口口口廣平郭怡叔悅

口口事口口平口口 口口

以上第二截

口

四時亡哀百贖始聞賢烈終□明靈忻殫  
鼓□□盡牢牲藉蘭竦意尊□□□□  
徒□禮闕下人授手□□謀居光宅漳右龍  
駒鵠蓋鳴笳駟牡□□層□載前載後□  
象□□飾衛逾隆天子赫赫廟數在  
躬夏應虞命犇受堯終洛汎文章河浮圖  
□會昌冥貺居今陋昔咸秩報□□□  
□□□□宜留金石□親藩幹□率依  
風毛畢均美□□□□□

碑陰

陰上下共六截書每截各三十三行正書

散騎常侍趙郡王州都郭海高口

驃騎大將軍開府儀同三司尚書右僕射彭城縣開國

公州都魏郡元韶口

平東將軍別駕從事史魏郡穆子口

前將軍治中從事史魏郡鮮丐口口

主簿魏郡高婆薺

主簿廣宗潘僧虔字子昱

西曹書佐魏郡元稚英字季彥

西曹書佐魏郡李天綱字天綱

記室從事魏郡叔孫子慎字僧護

記室從事清河崔□□字公孺

戶曹從事魏郡穆遺□字子傲

戶曹從事清河張□威字

金曹從事魏郡尉□□字文

金曹從事頓丘郡李□字□明

和曹從事魏郡陸元茂字道盛

租曹從事廣平游子璠字士瑜

兵曹從事陽平路君元字公初

法曹從事魏郡于德隆字道□

法曹從事陽平宋芳良

子真

部郡從事魏郡柳暎

僧蔭

部郡從事魏郡薛廓

子元

部郡從事魏郡□□渾輿

長璠

部郡從事廣□□序

元伯

部郡從事清河□義

緊隨

部郡從事林慮皇甫□

桃科

部郡從事林慮辛□

景宣

部郡從事清河傳□

□武

部郡從事□□上忠

季成

法曹掾 口 哲

法曹掾 禮

部郡掾 侯遵景順

部郡掾 聶貴崇和

部郡掾 石建長賓

部郡掾 馬峯莫口

部郡掾 口禮長詢

部郡掾 杜彥市賓

部郡掾 張侍永賓

部郡掾 衡遠口業

部郡掾

賓

部郡掾新寶口口

部郡掾閻仲叔口

部郡掾郝密楚

主簿吏韓世口

主簿吏蘇口孟市

西曹吏杜口口口

西曹吏趙口口口

記室史樂口暉口

記室史左肅洪遵

□ 曹史 史穆景邕

□ 曹史 □ 蘭市奴

□ □ 史 解景□

□ □ 史 翟會同止

□ □ 史 王質崇善

□ □

以上第四截

□ □

戶 曹史 傅□□□

金 曹史 □□元□



金曹史口口口

租曹史口貴

租曹史吳子政叔保

口曹史馮沙門

租曹史樂口阿口

兵曹史綦略阿額

兵曹史口敬乾恭

兵曹史張口阿元

兵曹史王酉士高

兵曹史劉口口口

武猛從事□□□□□德

武猛從事漢陽郭忻□悅

武猛從事漢陽□□叔達

門下督盛□□□□

門下督□□□□

省事姜明□哲

省事曹遵顯□

錄事王神元龜

錄事延陵仲□□龍

西曹掾□□世忻

曹掾 齊習 思義

□室掾 孟頴 元儁

□室掾 宗鑑 延貴

□曹掾 馮業 洪纂

戶口掾 陰翊 仲口

戶曹掾 □文伯元口

戶曹掾 □口口口

戶曹掾 劉口口口遵

□曹掾 滕又口

□曹掾 鞠隆 子口

戶曹掾 張敬 子金

金曹掾 樊淵 海賓

金曹掾 李遠 伯口

租曹掾 終士聚

租曹掾 邢悅 季口

租曹掾 馬伏阿

租曹掾 吳宣 尚宣

兵曹掾 梁璋 子襲

兵曹掾 林暉賓子口

兵曹掾 賀崇遠口口

兵曹掾 郝仲 次元

兵曹掾 閻華阿

以上第三截

口曹

兵曹掾 崔業口

兵曹掾 周景伯

法曹掾 李崇讓口義

法曹掾 口口貴

法曹掾 山口遠見

法曹掾 孟口元為

口

賊曹口

賊曹孟伯口

賊曹李晚興

賊曹張善

隊主李趙成

隊主嚴奉伯

隊主千口聰

隊主張口口

西門口口

隊副 □ □ □

隊副

□ □

□

以上第六截

碑云使持節驃騎大將軍開府儀□□司□州□□  
師清河王岳者齊書列傳云顯祖出撫晉陽令岳以  
本官兼尚書左僕射留鎮京師天保初進封清河郡  
王尋除使持節驃騎大將軍開府儀同三司宗師司  
州牧蓋以此時立碑也明一統志云西門豹廬在府

城北大夫邨北齊天保年建碑刻尚存今碑缺年月  
太平寰宇記云鄴縣西門橋齊天保五年僕射魏收  
爲碑存焉則碑是天保五年魏收所撰無疑碑故在  
豐樂鎮廟內知縣彭某移于城隍廟中水經注云漳  
水逕武城南又東北逕西門豹祠前東側碑隱起爲  
字祠堂東頭石柱柱勒銘曰趙建武中所修也魏文  
帝述征賦曰美西門之嘉迹忽逕睇其靈宇寰宇記  
又云鄴縣西門豹祠隋圖經云在縣東南七里北臨  
太平渠或恐碑移而祠基且將迷失矣趙建武石柱  
銘又非汝帖所載石趙鄴祠柱刻也其刻宋時猶存



倘有好事一訪之乎碑篆額云西門君之頌 陰列  
官吏題名有云散騎常侍趙郡王州都勃海高下缺  
名者高轍也齊書列傳云顯祖受禪進封爵爲南趙  
郡王邑千二百戶遷散騎常侍以此知之勃海字見  
說文今史皆作渤知六代人書猶無俗字也碑又有  
元韶穆子容銜名元韶齊書有傳云襲封彭城郡王  
歷位太尉侍中錄尚書司州牧進太傅齊天保元年  
降爵爲縣公此云彭城縣開國公州都者其降爵也  
史不及開國公州都乃其疏穆子容見北史穆崇傳  
是時爲平東將軍別駕從事史亦可据碑以補史也

兵曹史

兵曹史 戴懷

兵曹史 楊良

法曹史 謝口

法曹史 杜悅阿口

法曹史 馬纂遵

法曹史 賀口洪宣

法曹史 王口秉襲

法曹史 韓萇永昌

法曹史 王進遠文仙

金石錄卷三十三  
二  
典籤史 吳仲穎仲舒

部郡史 戴光思顯

部郡史 張伽阿桃

部郡史 郝纂阿集

部郡史 田彥休儁

部郡史 石吉子良

部郡史 張長遵伯

部郡史 石穆愛和

部郡史 韓□□伯

山口

以上第五截

□

□

□

□

門下史

省事史 張習□□

省事史 林邕子穆

錄事史 李瓊子□

錄事史 賈光長□

□□將軍軍主郤海□

□□將軍軍副焦定

□兵

□

□

□

□

□

□

□

州軍事都督尋加開府除使持節六州大都督冀  
州大中正俄拜京畿大都督元象二年母憂起復  
除兼領軍將軍興和初出爲使持節都督冀州刺  
史武定元年除晉州刺史西南道大都督六年除  
侍中太尉餘如故別封新昌縣子又拜使持節河  
南總管大都督別封真定縣男世宗崩顯祖出撫  
晉陽令岳以本官兼尚書左僕射天保初進封清  
河郡王尋陞使持節驃騎大將軍開府儀同三司  
宗師司州牧五年加太保傳載岳歷官如此搢此  
則碑立於天保元年無疑碑銜不云加太保其非

五年可知矣關中金石記引寰宇記云鄆縣西門橋齊天保五年僕射魏收爲碑存焉以爲碑是天保五年魏收所撰蓋魏收所撰者乃西門橋碑此是西門祠堂彼此異也齊顯祖文宣帝本紀帝以天保元年五月戊午卽位己未追尊皇考獻武王爲獻武皇帝皇兄文襄王爲文襄皇帝六月壬午封太尉高岳爲清河王碑前有太祖獻武皇帝世宗文襄皇帝等字則爲追尊以後之語後云委賁興王恭承口運及夏應順命舜受堯終尤足爲初卽位時之證也其稱宗廟者魏書官氏志云天賜

元年十一月以八國姓族難分故國立天師小師  
令辨其宗黨於是宗室立宗師之曰此是魏初之  
制豈齊初猶有此官耶碑陰列姓名幾二百人惟  
首四人處尊位以下則主簿書佐從事門下督省  
事錄事掾史軍主軍副隊主隊副等職里居姓  
名某甫皆備書之又一例也首列高敞碑缺敞字  
傳稱敞封南趙郡王碑無南字魏書地形志有趙  
郡有南趙郡並屬冀州傳或衍南字也其稱州都  
郭海者地形志渤海郡屬冀州門魏時冀州本治  
鄴高氏是時居鄴鄴屬司州爲魏都西門祠在其



城殆是郭海舉其郡望州都舉其耶居也次列元  
韶亦稱州都魏郡正同此例關中記云彭城縣開  
國公州都者其降爵也此語蓋誤州都當連魏郡  
讀不連上讀若州都爲降爵則高祖未嘗降爵而  
亦曰州都何也第三穆子下碑缺一字關中記以  
爲穆子容魏書及北史俱附魏崇傳北史載士儒  
之子子容魏末爲兼通直散騎常侍齊受禪卒于  
司農卿魏書載士儒子容少一子字武定中汲郡  
太守皆不言其官平東將軍別駕從事碑或別是  
一人非穆子容也

中州金石記

案碑殘剝斷裂文詞句不相貫其叙西門君治鄴之  
跡有云口拒比周治申嚴察簪筆聽神民吏不敢兩  
欺口巫老沉姦口波浪頽頽蓋約舉史記爲文又叙  
生致尸祝之禮沒貽棠杜之思口壇表慕俎豆逾遠  
似因舊祠而加修之爲述其義如此碑稱太祖獻武  
皇帝世宗文襄皇帝者北齊書太祖紀所謂天保初  
追崇爲獻武皇帝世宗紀齊受禪追謚爲文襄皇帝  
是也高岳傳世宗崩顯祖出撫晉陽令岳以本官兼  
尚書左僕射留鎮京師天保初進封清河郡王尋除

使持節驃騎大將軍開府儀同三司宗師司州牧並  
與此碑同則知碑立在大保初矣中州金石記據寰  
宇記鄴縣西門橋齊天保五年僕射魏收爲碑之文  
定爲天保五年魏收撰然高岳當天保五年亦加太  
保而此碑不書或文成於五年之前樂史據其立石  
時書之傳言置鎮京師又言司州牧高齊因東魏都  
鄴而仍循司州舊名故見於此也 又案碑陰載諸  
人題名稱州都者二人別駕從事史治中從事史者  
各一人主簿二人西曹書佐二人記室從事二人戶  
曹從事二人金曹從事一人租曹從事二人兵曹從

事一人法曹從事二人都郡從事十二人隨書百官  
志載齊制司州置牧屬官有別駕從事史治中從事  
史州都主簿西曹書佐記室戶曹功曹金曹租曹兵  
曹騎曹都官法曹部郡等從事員蓋以鄴爲司州其  
屬官並與史符又有武猛從事及門下督省事錄事  
西曹掾記室掾戶曹掾金曹掾租曹掾兵曹掾法曹  
掾部郡掾主簿吏西曹吏記室吏戶曹吏金曹吏租  
曹吏兵曹史法曹史典籤史部郡史省事史錄事史  
攷門下督與錄事清都郡鄴臨漳成安三縣並有之  
至西曹掾以下卽志所謂主簿置史西曹已下又各

置據史也但主簿史以碑證之作吏耳

安陽縣志

按碑文多缺蝕無立石年月惟云使持節驃騎大將軍開府儀同三司口州口口師清河王岳傾賢禮俊畏威仰德堅碑在口云云是碑雖題西門豹祠堂碑而文意並無紀述西門豹事蹟亦無建造祠堂之語大率頌美清河王之詞爲多北齊書清河王岳傳岳字洪畧高祖從父弟也魏太昌初除車騎將軍左光祿大夫領左右衛封清河郡公食邑二千戶余朱兆據并州高祖將討之岳用鎮京師悉驃騎大將軍儀同三司天平二年除侍中六

亦似未嘗詳閱此碑也天保爲北齊文宣帝紀年  
曝書亭集刻作天寶誤也經文書格不一有秀整  
者有流動者大致類初唐虞褚其中如四十作卅  
星作○天作而則北朝間有之以此爲天保時書

無足疑者

標題華嚴多作花  
嚴六朝人所用之

此碑惟拓不易趙在

西安時適同年沈君業富官山西鹽運使因託其  
購覓拓寄此本雖闕軼尙多究爲北齊之物亦可  
珍也竹垞記中所云房山石經刻之自隋相嘗見  
吾友查君禮游懋題上方二山日札所記石刻佛  
經甚詳云石經洞寬廣如殿中供石佛四壁皆碑

石壁砌卽隋靜泥法師所刻佛經字畫端好有歐  
褚楷法無一筆殘缺左壁兩層共碑三十六枚右  
壁三層亦三十六枚後壁三層共四十一枚前門  
左右壁及門頂共三十三枚皆妙法蓮花等經卽  
竹垞記中所稱隋刻者又大洞之右第一洞刻佛  
說恒水流樹等經第二洞刻陀羅尼集等經大洞  
之左第一洞刻令生歡喜名無垢等經第二洞刻  
菩薩瓔珞等經其下有石井井左第一洞刻金剛  
般若波羅密等經第二洞刻摩訶般若波羅密等  
經井右爲伽藍殿殿右第一洞刻文殊師利普超

三昧等經第二洞刻千手千眼觀世音菩薩廣大  
圓滿無礙大悲心陀羅尼等經大洞之右又有心  
經碑一金剛般若波羅密經碑二伽藍殿旁又有  
金剛般若波羅密經臥碑一餘碑林立不勝紀此  
外又有遼初續鐫四大部經二千七百三十碑而  
華嚴經全部亦在其中初聞而歆慕之常屬甥西  
路同知蔣雲師訪搗云是碑聚于瓦礫之中洗剔  
塵沙必得數十人數十日之功力不能辦而止查  
君之游石經洞在乾隆丙辰僅逾數十年而碑已  
難搗如此今查君之記已刻入銅鼓書屋遺稿和



錄于此以諭後之好事有力者

劉碑造像銘

石橫廣五尺七寸高一尺八寸二分  
四十二行行十三字正書在洛陽

夫妙靜虛凝聖蹤難尋悵怕無相非有心能知雖形言  
幽絕誕迹三千慈悲內發欲濟危拔苦演十二而曉群  
情喻三車以運諸子摧應歸空潛神真境然篤信佛弟  
子劉碑河澗人也嘗冒唐資襲其漢緒襲踵前王衣紵  
万代因官隨爵芳柯尚尤此人善識四非深解五業慕  
慕鄉起首領懷殊獨契皆是軒姬扶蔬英爽之孤挺晉  
魏九域磐根之傑棟殷聃皇朝飛聲齊室故能同率緒

風峪華嚴經石刻

釋刊本凡一百二十四紙大率高四尺二寸廣二尺  
文二十三行行五十七字正書其餘石之廣狹行字  
之多寡大小俱不等石片亦不能計  
數今在山西太原府太原縣風洞內

經文不錄

風洞在太原縣西三里風峪口甌甃洞一穴方五丈

有司以三月祀石則多風穴中三柱四壁鑄華嚴經

山西  
通志

太原縣之西五里有山曰風峪風穴存焉相傳神至  
則穴中肅然有聲風之所從出也愚者捧土塞穴建  
石佛于內環列所刻佛經凡石柱一百二十有六積

八自久憩蜩居之巖好游者勿敢入焉丙午三月予  
幸上人煥然以入審視書法非近代所及惜皆掩其  
三面未縱觀其全也北朝君臣崇奉釋氏石刻經像  
在處多有予友太原傅山行平定山中誤墜崖谷見  
洞口石經林列與風峪等皆北齊天寶間字而房山  
石經刻之自隋甚矣其法之精熾也 通鑑載後唐

劉后與李存渥奔晉陽李彥超不納存渥走至風谷

爲其下所殺

北夢瑣言載此  
正作風谷

胡三省注風谷當作嵐谷

唐長安三年分宜芳縣置嵐谷縣屬嵐州非也風谷

卽風峪北人讀谷爲裕俗並加山作峪

縣志  
亭集

按北齊書段韶傳突厥從北結陣而前東距汾河西  
被風谷大唐創業起居注煬帝於樓煩置官因過太  
原取龍山風谷道行幸則風谷之名已著於前代矣

金石文  
字記

按風峪今俗稱風洞洞中有石刻華嚴經金石諸  
書多未見著錄卽曝書亭集有風峪石刻佛經記  
亦但云環列所刻佛經而已不言爲華嚴經也記  
言石柱一百二十有六不知山西通志何以但云  
三柱也以臆度之洞方五丈必非三柱所能指則  
通志所指三柱或別是虛立之柱耳柱有百二十

六必是周立於洞中經卽刻于柱上柱有四面必  
皆刻經竹垞所見已云掩其三面則今所搨者亦  
祇一面耳今搨大小共一百二十四紙顯係一柱  
一紙其與柱數不符者僅少其二也全經有八十  
一卷今搨本首末行有卷第標目者計三十八紙  
餘俱無攷想皆散見于三面而不能搨矣碑無時  
代年月及刻經記序題名惟卷卅七之末行題云  
佛弟子許智通妻宋十娘許五娘女許三娘姓名  
可見者祇此金石文字記列于天保二年當自有  
據然別無詳說可證其標題亦但作石刻佛經則

道牖造像記

記橫廣七寸五分高五寸三分八行行四字五字六字不等正書今歸假師武氏

大齊天保十季七月十五日比丘道牖敬造盧舍那法界人中像一區願盡虛空遍法界一切衆生成等正覺朱豹泉得石寄黃小松琢背爲硯而小松復以遺予其文所稱比丘道牖敬造盧舍法界人中象一區未解是何象也

按堂全石跋

右造象記八行字徑七分頗秀勁亦有別體如象作像邊作邊是也小松云得于正定友人今作爲硯

山左

金石志

按此石舊從濟寧州普照寺發土得之石存而像  
無攷矣後轉徙藏於正定佛寺朱潔泉煌得之以  
贈黃司馬小松易作硯材小松又贈假師武大令  
盧谷億今所見者搨本也法苑珠林普敬部引華  
嚴經云盧舍那佛報身如來所王之土復遍是數  
盡十方界非凡所謀故梵網經偈我今盧舍那方  
坐蓮華臺云云是碑中所稱盧舍那佛名也翻譯  
名義集盧舍那賢首梵網疏云梵本盧舍那此云  
光明徧照照有二義一內以智光照真法界此約  
自受用義二外以身光照應大機此約他受用義

淨覺雜編云虛舍那寶梁經翻爲淨滿以諸惡都盡故云淨衆德悉圓故云滿此多從自受用報得名或翻光明徧照此多從他受用報爲日若論色心皆得淨滿身智俱有光明則二名並通自他受用也

### 夫子廟碑

碑連額高六尺三寸五分廣三尺七寸五分十九行行二十四字隸書額題夫子之碑四字篆書在曲阜廟孔

□□齊乾明元年歲□□壘月全下人響  
引自下德所以歷□□□瘼淪者其由□



口乎衛大闕下字口口口闕下封人即魏安

闕下南鎮北將軍秘書監青闕下道昭之

第口子也公口口忠口帝職歷七州再闕下

不具論口如高闕下多闕下人去盜口口既自

口諸口口口可口口口共雅闕下三闕下高公

曾闕下氏女夷馭節口羣闕下閣闕下來遊闕下廢

口口而體闕下嗟嘆久之乃口口口口口曰豈

是闕下即命工人重為鑄闕下更闕下搃七闕下名

長闕下是闕下者闕下命工人口者口口必口口

論景行闕下載闕下言闕下東墉之豪口以終其

素異心共邁等意採石金山遠求名匠奇思罕聞巧殊  
世外四扶靈巖之顯西據王舍之陽派流濟濟建像一  
區構基三泉首騰霄月真容凝然化流無尋光耀十方  
空空遍滿視之者目中花生觀之者我心家滅仰爲皇  
祚永隆宰輔顯上以此果緣福鍾師僧七世願使神登  
紫宮形昇妙境見在寧康子孫興茂辨智超才表心六  
藝窻樞台相位累九坐生墮歡諸來栖道跡往往逢賢  
處處遇聖蠢動普沾同照十日身當心覺遊濟彼垠刊  
鏤金芳願言不朽其辭曰

如來聖跡邈矣難尋究竟歸空妙理實深出沒自在顯

滅雙林欲隨而去。搦以愚心。龕龕有佛相望。若語菩薩  
立侍吟聲。未吐師子護坐。堅日相覩。諸天作樂。口口對  
舞。金剛力仕在戶之傍。耶捲口目。僚蹇相當。波旬請死  
欲退。無方道俗肩隨。慶會天堂。肅肅法師寂寂。道場崇  
之若近。尋之芒芒。垂誘下士。上接。攜將六口。解羅三有  
暈光。俄俄禪定。神歸空外。真化無尋。心寧三昧。脫骨王  
子。廣度一切。夙樹珪璋。垂羅天闕。紆魑世襲。金柯秀發  
辨隆待仕。殊今古越。僞邁機驚。皎然若月。信士英英。邦  
悟福期。鏤鏤金石相好。巍巍嵯峨。妙絕是難。是而終天  
畢地。永爲其基。

維鄒樊元貞

碑樓寺在縣東四十里石淙東源上內有豫州劉刺史碑北齊天保八年丁丑立刻劃佛像文列上方字殊鄙劣刺史名碑無佛處鐫諸人姓名俱劉氏名文紀劉碑爲首造碑文緣起也村落沿其名曰劉碑說

按碑無年月據說書語因列於北齊天保八年文云劉碑河澗人也河澗當作河間左旁衍水耳寶冑唐資者劉姓凡二十五望並自陶唐氏劉累之後故云唐資也瓊基漢緒瓊疑是瓊字用以對寶冑也劉氏之家河間者惟北魏劉冑官直閣將軍

出守本郡與茹皓俱赴鄴官講武乞留至洛似卽  
劉碑先世文故云因官隨爵芳稱嵩左者也劉碑  
史傳不載碑但泛言造像求福之意不詳事蹟故  
無可攷碑書凝作凝美泊作悵怕纂慕作慕募首  
領作酋領照作嬰英作英巧作巧靈鷲作靈鷲香  
作霄辨作辨蠢作蠢岍作岍望作望堅目作堅目  
力士作力仕假寒作儼寒下土作下士暉光作暉  
光冠冕作冠冕皆任意增減移置初無義理據說  
嵩謂無佛處鐫諸人姓名俱劉氏名今碑但有維  
那樊元貞一人是搨本不全也

端□□至□思□不憚□勞之軍慧劍雙懸□□魔  
之陣无不□簪□蹤魔開□□□金顏之□佳□□  
□之□□遂廣建伽藍□□□□□□□□之□面  
□大起帝有之奇身真容□燬若百葩之開春樹朝曦  
竟照類萬日之聚高天足使波聲發□□心返正雖猛  
炎銷天洪波沸地而神壺寶垢畢竟常□昔□拊擁沙  
尚滅菩提業盛前脩功名顯著豈使日月空流聲塵无  
死□彫金垂範傳芳不朽自非立信空門皈心淨域將  
知福報無虛功不忘所脩回□善□□俾□□捨財崇  
福佐天堂之業上爲三寶□□七世父母過往□師現

在居脊門徒子孫世貴國內人民口口役口口口速至  
下及遷地蠢動蒙恩五道口澤有刑之類普獲福利存  
号河清三季歲次甲申四月己丑朔廿日戊申

都邑主張嘆族

邑子嚴和祖

都邑主薛景略

邑子王承儁

都邑主仇洪施

邑子張義和

都邑主綦知業

邑子陶鸞

都邑主陶洪遠

邑子陶發顯

都邑主李祖憐

邑子陶僧和

都邑主麻仕和

邑子仇眾敬

都邑主席懷略

邑子李慧達

都邑主劉和穆

邑子嚴法口

都邑主仇海

邑子尹洪賓

都邑主仇定國

邑子仇城買

都邑主仇口般

邑子陶知臻

都邑忠正李樹生

邑子張衆愛

都邑忠正袁景口

邑子嚴元禮

都邑忠正嚴崇顯

邑子嚴靈席

都邑忠正嚴買

邑子嚴洪哲

都邑忠正嚴寶瓊

邑子寇仕通



都邑唯那仇恩悅 邑子履仕寬

都邑唯那嚴城善 邑子履遠振

都邑唯那董雙儁 邑子履仕貴

都邑唯那李進興 邑子高子巖

都邑唯那嚴元昌 邑子游元族

都邑主叙佩 邑子徽略

都邑主管法安 邑子嚴醜

邑子仇興族

邑子仇顯 邑子嚴世榮

邑子王口石 邑子口惠雅

闕下祠堂闕下是闕下存因闕下刊闕下微闕下

二十日訖功

孔子廟碑今在曲阜縣廟中字剝落不可辨金石文

右碑文多剝蝕以舊拓本審之知爲鄭述祖所立也

述祖字恭文見重登雲峯山石刻魏書云道昭熒陽

開封人歷官平東將軍光州刺史轉青州刺史復入

爲秘書監卒贈鎮北將軍今碑存字曰開封人曰鎮

北將軍秘書監曰某公道昭皆與傳合述祖嘗刺充

州故有重勒廟碑之事乾明元年爲庚辰歲是年八

月昭帝廢立改元皇建此是八月以前所立也闕里

文獻攷但稱爲北齊夫子廟碑不辨何人所立其釋

文亦祇及今之半耳

山左金石志

按闕里文獻考云此碑可辨者才百有二字闕里志不載其文祖庭廣記云剝落不可考今取碑諦視可識者得一百四十餘字較闕里文獻考所識增多四十餘字矣碑云公道昭之第口子也魏書本傳道昭之子有五曰嚴祖曰敬祖曰述祖曰遵祖曰順然則述祖乃道昭第三子也述祖善隸書此碑筆法頗與鄭述祖書天柱山銘同然使述祖自書不應指斥父諱而云公道昭之第幾子也疑

是他人紀其事而述祖書之猶雲峯山鄭道昭刻  
其父文公德政而託名於故吏程天賜也大意是  
道昭爲光州刺史時來謁孔廟追述祖繼刺光州  
訪父遺蹟刊碑祠堂以紀之文故云嗟嘆久之命  
工重鐫也額不曰夫子廟碑而曰夫子之碑見立  
碑之意不繫乎廟也

### 在孫寺造象記

石高六尺一寸五分廣二尺八寸厚一尺二寸八分  
四面刻分三五四截記廿五行行廿字正書雜隸在  
登封縣  
蔣莊

蓋太儀育物品類不同隨口口以輪迴逐陰波而自溺

可嗟薄福熟爲津樑哀哉士徒誰口出要唯無上大覺  
獨悟靈溪志欲道正水以壞耶山秉慧炬而滅癡闇故  
堅杜六門大開八口龍魔鎖口虎見斯伏但感微應促  
毒樹之音已彰如住无善利口滅之习唯速於是燈光  
夜掩法舟息駕遂使八到熾然業變增甚自非曉燭真  
途了斯相染勢能俳口扇而超昇望宗一而高蹈哉都  
邑主張曠族薛景畧仇洪樞綬紹業陶洪遠李祖憐都  
口口百口拾人等以是漢曲明珠荦山之賈狂風口口  
蘭口飄舉嘆世挾蔬鄉家金口雪根木泉而結袈袖八  
口月而口龍口如此隆二昂二盛哉雖浮俗愛起口千

邑子嚴尚忠

邑子楊清才

邑子韓口

邑子嚴口口

邑子嚴方口

口口口口口

邑子段口口

邑子卞口

邑子段凱

邑子段榮

邑子高 珣

邑子段柱國

邑子嚴席

邑子劉陳趙

邑子薛黎奴

邑子陶安和

邑子李毛龍

邑子口興 邑子

邑子甲口 邑子

以上東面

口口口口口主李口口

口口口口口 口口口口口

口堪口口主仇口口 中堪口主仇口口

中堪口主口口口

都口口主陶洪遠口口

都口口口口口口口

合邑口一百五十人等 一心供養佛

以上正面

西堪像主嚴買上爲七世父母次及現存子孫昌熾  
弥勒出世願聞初法

邑子仇惠孫

清信夏侯婆兒

邑子仇田買

清信李孃女

邑子仇先女

清信女仇口女



金石錄卷三十三  
清信張女口

清信女仇王女

邑子仇僧和

邑子張口鬼

邑子張口

清信女張清女

邑子張口興

以上西面

碑在縣東四十里蔣莊碑稱在孫寺正面刻佛像碑  
陰刻大齊河清三年歲在甲申敬造文字剝落殆盡  
不可揭矣下截埋土中止露其半在村中之衢

說

朱昱思等造塔記

邑子薛伏海

邑子張口醜

邑子嚴敬賢

邑子嚴口

邑子仇伯兒

邑子嚴燕奴

邑子仇道口

邑子仇永昌

邑子和伯憐

邑子李嵩

邑子郝敬先

邑子郭族樹

邑子仇景業

邑子履衆口

邑子高口歡

邑子朱永遷

邑子嚴景業

清信劉練光

清信柳賢

清信陶伯口

清信蔣金玉

清信劉貴

清信口口姜

清信段明勝

清信李口口

清信朱明堂

清信周口口

清信陶懷妃

清信朱口

清信楊買

清信李

清信王外妃

清信口

清信陳口口

清信口

以上均刻在記文之下

口堪像主口口興一心供養佛

一心供養佛

邑師僧誕邑師口口

邑師沙門都口敬

以上刻在記文之上象堪之旁

東堪像主董口口東堪像主王悅二人等一心供養

佛時

邑子管安

邑子口口口

邑子口孝口

邑子管買來

邑子陳七

邑子頽天長

邑子王惠耗

邑子戔环

邑子履万孫

邑子高要惠

邑子董延慶

邑子履遷孫

邑子姚思族

邑子南顯業

邑子任嘆口

邑子嚴棘洛

邑子毀和穆

邑子任嘆龍

邑子管貴和

邑子相末先

邑子董伯賸

邑子高龍勝

邑子相惠臣

邑子由元璨

邑子嚴口王

邑子董唇生

邑子魯仕光

金石萃編卷三十四

賜進士出身 誥授光祿大夫刑部右侍郎加七級王昶謨

北齊二

姜纂造像記

記高二尺八分廣一尺三寸五分  
十五行行二十字正書在像師

大齊天統元年太歲乙酉九月庚辰朔八日丁亥男官  
姜纂爲亡息元略敬造石像壹軀

夫霑暉西沒至理東遷曷盡神明像窮變現道遙業峻  
因藉報遠清信士姜元略志隆邦國仁越州閭衡巷仰  
風鄉邑譽望早洞源夙達空旨而石火電燭倏忽從

化松摧落岫蘭彫夏霜寶散闍泉玉碎黃壤父慕情慕  
東門心憑冥福特爲亡略敬造先君像壹軀左右二侍  
聖相真容妙絕娑婆雕檀刻削波斯惡奇鐫金鏤石優  
填慙巧神光照燭遍滿閭浮香氣氤氲充塞世界業盛  
飛行事符踊出从此勝因追資亡略宜登淨境獨步虛  
空逍遙天服乖出六塵遨遊慧體長超人難彈指則遍  
侍十方合掌則應奉衆聖過去尊卑見存眷屬亡生淨  
鄉現獲妙果當來龍華願昇初唱 皇家慶隆澤治邊  
地三途楚毒俱辭苦海六道四生成蒙勝福壹切有形  
同成正覺

按此碑及武平七年孟阿妃造象記皆近年出土偃  
師武虛谷所收得者前人俱未著錄故悉載其文  
中別體甚多

中州金石記

億案碑完好其稱清信士姜元畧云云案顧亭林以  
今人出財布施皆曰信士宋太宗朝避御名凡義字  
皆改爲信然以此推之殆於高齊間已見有清信士  
之稱則當時所避亦有據也又石鐫小像傍勒數字  
云孫女娥皇亦重舜妃之諱俗流不經如此別體字  
靈作霤東作東因作回條作偃冥作寔老作尢遙作  
遙飛作非邊作邊

偃師金石遺文記



合邑諸人造佛堪銘

石橫廣四尺三寸五分高二尺七寸中刻銘十九行  
行十六字右偏三列刻此碑及官名左偏五列刻已  
主等名每列皆六行行四字五字或  
十八字二十字不等正書在僊師

妙旨幽微非聖無已盡於源聖行之與非福智莊嚴豈  
能傳其遺然今合邑諸人等宿殖明珠久歷諸佛故能  
異心同軌仰慕遺蹤在於定光像前敬造七佛寶堪并  
二菩薩賢聖諸僧殄勒下生梵王帝釋舍利非盡其食  
容赫奕照耀三千華麗二相妙苑八十剋木哥望像而  
非喻探壁摸形焉是其壁觀之香淨信開明安祇香三  
部殄息斯乃塵勞之中紹如來種藉此勝善願國祚永

記高一尺九寸廣二尺六寸十  
六行行約十五字正書在博興

大齊河清四年歲次乙酉三月癸未朔四日丙戌

慈風未鼓品類同昏惠化一開乃羣情等覺雖真光輶  
暎而實相可追故惛茲吉海志攸零峯邑主朱曇思朱  
僧利一百人等於村之前兆其勝地綿基細柳白帟遊  
南敬造寶塔一軀經之不日斜麗煙際四翥風生鏤機  
真離刻摹兜率魔聖蛟龍看之若生飛禽走獸瞻疑似  
活羌弗可得如言矣魏繆易觀谿爛難名遂託銘神宮  
冀貽万葉仍因懺土之功敢發廣厚之願國祀永隆覆  
載等一頌粵 爵珣住昔麗宇今茲弱黛留烟炎起停

暈玷草垂露畫樹懸糸荷抽紫葉嶺鬱青芝

□□□□□□□□□□

以下俱闕

右河清四年三月造塔記近日黃小松司馬得于博興土中以建初尺度之高一尺九寸廣二尺六寸共十六行行約十五字後有造像三座末行文盡剝落惟存像字之半字徑七分用筆肥媚而多別體字如涓作惛塵作塵翥作翥梵作梵容作容爵作爵皆不合六書而寶塔之寶作寶則謬之尤甚者其書頌粵卽借爲日字與太公碑東阿王廟碑並同頌八句叶茲暈系芝四韻按暈卽暉字說文有暉無暈古人曰

暈字卽作輝見周禮注張景暉造像記亦書暉爲暈  
二字蓋得通用盡樹懸系句借系爲絲與說文糸細  
絲之訓合記中又云羌弗可得如言矣猶春秋傳星  
隕如雨軟如忘之義也

錢何跋

按碑立於河清四年三月是年四月武成帝傳位  
太子改元天統此猶在未傳位之先也文云綿基  
細柳白虎遊南說文柳繫馬柱也此蓋借繫馬柱  
字形容塔柱之不鉅也上文綿基亦言塔基之綿  
遠形家以右爲白虎遊南者意謂白虎右旋而南  
遊也瞻疑當是瞻疑如言當讀而言魏魏當讀魏

魏爵璃當是爵螭惟末句嶺鬱青芝語氣未了疑  
尚有文然碑未嘗缺泐也